

而自謂賢能智慧爲行如此難以稱忠所謂午者心也有度之士情意精專心思獨覩不驅於險墟之俗不惑於眾多之口聰明懸絕秉心寒淵獨立不懼遯世無悶心堅金石志輕四海放守其心而成其信凡器則不然內無持操外無準儀傾側險詖求同於心口無定論不恒其德二三其行秉操如此難以稱信夫是四行者其輕如毛其重如山君子以爲易小人以爲難孔子曰仁遠乎哉我欲仁仁斯至矣又稱知德者鄙俗之偏黨自古而然非乃今也凡百君子就於驕僞貪樂慢傲如忠信未達而爲左右所拍按當世而覆被更爲否惡狀之臣者豈可勝哉孝成終沒之日不知王章之直孝哀終沒之日不知王嘉之忠也此後賢雖有憂君哀主之情心誠正直之節然猶且沈吟觀聽行己者也鳴鶴在陰其子和之相彼鳥矣猶求友聲仁不

忍踐履生草則又況於民萌而有不化者乎君子脩其樂易之德上及飛鳥下及淵魚不歡忻悅豫則又況士庶而不仁者乎聖深知之皆務正己以爲表明禮義以爲教和德氣於未生之前正表儀於咳笑之後民之貽也合中和以成其生也立方正以長是以爲仁義之心廉恥之志骨著脉通與體俱生而無龕穢之氣無邪淫之欲雖放之大荒之外措之幽冥之內終無違禮之行投之危亡之地納之鋒鏑之間終無苟全之心舉世之人行皆若此則又烏所得亡夫姦亂之民而加避哉上天之載無聲無臭儀形文王萬邦作孚此姬氏所以崇美於前而致刑措於後聖人其尊德禮而卑刑罰故舜先勅契以敬敷五教而後命皋陶以五刑三居是故凡立法者非以司民短而誅過誤乃以防姦惡而救禍敗檢淫邪而內正道爾詩云民之秉夷好

是懿德故民有心也猶爲種之有園也遭和氣則秀茂而成實
遇水旱則枯槁而生孽民蒙善化則有士君子之心被惡政則
人有懷姦亂之慮故善者之養天民也猶良工爲翹鼓也起居
以其時寒溫得其適則一蔭之翹鼓盡美而多量其愚拙工則
一蔭之翹鼓皆臭敗而棄損今六合亦由一蔭也黔首之屬猶
豆麥也變化行爲在將者爾遭良吏則皆懷忠信而履仁厚遇
惡吏則皆懷姦邪而行淺薄忠厚積則致太平姦薄積則致危
亡是以聖帝明王皆敦德化而薄威刑德者所以脩已也威者
所以治人也上智則下愚之民少而中庸之民多中民之生世
也猶鑠金之在鑪也從篤變化唯治所爲方圓薄厚隨鎔制爾
是故世之善否俗之薄厚皆在於君上聖和氣以化民心正表
儀以率羣下故能使民比屋可封堯舜是也其次躬道德而敦

慈愛美教訓而崇禮讓故能使民無爭心而致刑錯文武是也
其次明好惡而顯法禁平賞罰而無阿私故能使民辟姦邪而
趨公正理弱亂以致治彊中興是也治天下身處汗而放情忘
民事而急酒樂近頑童而遠賢才親詔諛而疎正直重賦稅以
賞無功妄加喜怒以傷無辜故能亂其政以敗其民弊其身以
喪其國者幽厲是也孔子曰三人行必有我師焉擇其善者而
從之其不善者我則改之詩美宜鑒于殷自求多福是故世主
誠能使六合之內舉世之人咸懷方厚之情而無淺薄之惡各
奉公政之心而無姦陬之慮則義農之俗復見於茲麟龍鸞鳳
復畜于郊矣

五德志第三十四

自古在昔天地開闢三皇迭制各樹號謚以紀其世天命五代

潛夫論

正朔三復神明感生愛與有國亡于娣以滅於積惡神微精以
天命罔極或皇馮依或繼體育太驛以前尚矣迪斯用來頗可
紀錄雖一精思議而復謨故撰古訓著五德志世傳三皇五帝
多以為伏羲神農為三皇其一者或曰燧人或曰祝融或曰女
媧其是與非未可知也我聞古有天皇地皇人皇以為或及此
謂亦不敢明凡斯數其於五經皆無正文故略依易繫記伏羲
以來以遺後賢雖多未必復正然罕可以浮游博觀其求厥真
大人迹出雷澤華胥履之生伏羲其相曰角世號太暉都于陳
其德木以龍紀故為龍師而龍各作八卦結繩為網以漁後嗣
帝嚳代顓頊氏其相戴十其號高辛厥質神靈德行祇肅迎逆
日月順天之則能叙三辰以周民作樂六英世有才子八人伯
奮仲堪叔獻季仲伯虎仲雄叔豹季狸忠肅恭懿宣慈惠和天

下之人謂之八元後嗣姜嫄履大人迹生姬棄厥相披頤為堯
司徒又主播種農植嘉穀堯遭水災萬民以濟故舜命曰后稷
初烈山氏之有天下也其子曰柱能植百穀故立以為稷自夏
以上祀之周之興也以棄代之至今祀之太姒夢長人感已生
文王厥相四乳為西伯興於岐斷虞芮之訟而始受命武王駢
齒勝殷遏劉成周道姬之別封眾多管祭成霍魯衛毛聃邶雍
曹滕畢原豐郇文之昭也邠晉應韓武之穆也凡蔣邢蒯祚祭
周公之胤也周召號吳隨邠方印自藩養滑鎬官密榮丹郭楊
逢管唐韓楊鮒樂甘麟虞王民皆姬姓也有神龍首出常感姓
妣生赤帝魁隗身號炎帝世號神農代伏羲氏其德火紀故為
火師而火名是以斲木為耜採木為耒耨日中為市致天下之
民聚天下之貨交易而退各得其所後嗣慶都興龍合婚生伊

晉夫論

堯代高辛氏其眉八彩世號唐作樂大章始禪位武王克殷而封其胃於鎬合始吞赤珠尅日玉英生漢龍感女媧劉季興大電繞樞炤野感符寶生黃帝軒轅代炎帝氏其相龍顏其德土行以雲紀故爲雲師而雲名作樂咸池是始制衣裳後嗣握登見大虹意感生重華虞舜其目重瞳事堯堯乃禪位曰格爾舜天之歷數在爾躬允執厥中四海困窮天祿永終乃受終于文祖也號有虞作樂九韶禪位於禹武王克殷而封胡公媯滿於陳庸以元女大姬大星如虹下流華渚女節萬接生白帝擊青陽之號少暉代黃帝氏都于曲阜其德金行其立也鳳皇造至故紀於鳥鳳氏歷正也玄鳥氏司分者也伯趙氏司至者也青鳥氏司啓者也丹鳥氏司閉者也祝鳩氏司徒也睢鳩氏司馬也尸鳩氏司空也爽鳩氏司寇也鵲鳩氏司事也五鳩鳩民者

也五雉爲五工正利器用夷民者也是故作書契百官以治萬民以察有才于四人曰重曰詒曰脩曰熙實能金木及水故重爲勾芒該爲蓐收脩及熙爲玄冥恪恭厥業世不失職遂濟窮乘後嗣脩紀見流星意感生白帝文命我禹其耳參漏爲堯司空主平水土命山川畫九州制九貢功成賜玄珪以告勳于天舜乃禪位命如堯詔禹乃卽位作樂大夏世號夏后傳嗣子啓啓子太康仲康更立兄弟五人皆有昏德不堪帝事降頒洛汭是謂孫相嗣位夏道浸衰於是后羿自鉏遷于窮石因夏民以代夏政滅相妃后緡方娠逃出自竇奔于有仍生少康焉仍妃牧正羿恃已射也不脩民事而淫于原獸棄武羅伯因熊髡龍圍而用寒泥泥柏明氏讒子弟也柏明氏惡而棄之夷羿收之信而使之以爲已相泥行媚于內施賂于外愚弄于民虞

潛夫論

拜于田樹之詐匿以取其國家外內咸服拜猶不悛將歸自田
家眾殺而烹之以食其子子不忍食之死于窮門靡奔于有鬲
氏泥因拜室生澆及豷恃其謏惡詐偽而不德于民使澆用師
滅樹灌及斟尋氏處豷于過處澆于戈使椒求少康逃奔有虞
薦之胞正虞思妻以二妃而邑諸綸有田一成有眾一旅能布
其德而兆其謀以收夏眾撫其官職靡自有鬲收二國之燼以
滅澆而立少康焉乃使女艾誘澆使后杼誘豷遂滅過戈復禹
之績祀夏配天不失舊物十有七世而桀亡天下武王克殷而
封其後於杞或封於緡又封少暉之胄於祁澆才力益眾驟其
勇武而卒以亡故南宮括曰齊善射稟盪舟俱不得其死也似
姓分氏夏后有扈有南斟尋泊胤卒塞費戈宜緡皆禹後也播
光如月正日感女樞幽防之宮生赤帝顓頊其相駢幹身號融

陽世號其工伐少暉其德水行以水紀故為水師而水名承
少暉襄九黎亂德及命重黎討訓服歷象日月東西南北作樂
五英有才子八人蒼舒隤凱壽演大臨龍降庭堅仲容叔達齊
聖廣淵明允篤誠天下之人謂之八凱共工氏有子曰勾龍能
平九土故號后土死而為社天下祀之娥簡吞燕卵生子契為
堯司徒職親百姓順五品扶都見白氣貫月意感生黑帝子履
其相二肘身號湯世號殷致太平後衰乃生武丁即位默以不
言思道三年而夢獲賢人以爲師乃使以夢像求之四方側陋
得傅說方以胥靡築於傅巖升以爲太公而使朝夕規諫恐其
有憚意則勅曰若金用汝作礪若濟巨川用汝作楫若時
大旱用汝作霖雨啓乃心沃朕心若藥不瞑眩厥疾不瘳若跣
不視地厥足用傷爾交脩余無棄故能申興稱號高宗及帝辛

啓夫論

而亡天下謂之紂武王封微子於宋封箕子於朝鮮子姓分氏
殷時來宋功蕭空同北段皆湯後也

潛夫論卷八終

潛夫論卷九

志氏姓第三十五

昔者聖王觀象於乾坤考度於神明探命歷之去就省羣后之
德業而賜性命氏因彰德功傳稱氏之徹官百王公之子弟千
世能聽其官者而物賜之姓是謂百姓姓有徹品於至謂之
千品昔堯賜契姓姬賜禹姓姒氏曰有夏伯夷爲姜氏曰有呂
下及三代官有世功則有官族邑亦如之後世微末因是以爲
姓則不能改也故或傳本姓或氏號邑謚或氏於爵或氏於志
若夫五帝三王之世所謂號也文武昭景成宣戴栢所謂謚也
齊魯吳楚秦晉燕趙所謂國也王氏侯氏王孫公孫所謂爵也
司馬司徒中行下軍所謂官也伯有孟孫子服叔子所謂字也
巫氏匠氏陶氏所謂事也東門西門南宮東郭北郭所謂居也

三鳥五鹿青牛白馬所謂志也凡厥姓氏皆出屬而不可勝紀也

衛侯滅邢昭公娶同姓言皆同祖也近古以來則不必然古之賜姓大諦可用其餘則難周室衰微吳楚僭號下歷七國咸各稱王故王氏王孫氏公孫氏及諡氏官國自有之千八百國謚官萬數故元不可同也故孫氏者或王孫之班也或諸孫之班也故同祖而異姓有同姓而異祖亦有雜錯變而相入或從母姓或避怨讐夫吹律定姓唯聖能之今民故久鮮克達音律天主尊正其祖故且畧紀顯者以待士合葢損焉伏羲姓風其後封在宿須胸顯與四國實司太暉與有濟之祀且為東蒙主魯僖主母成風蓋須胸之言也季氏欲伐顯與而孔子譏之炎帝苗胄四嶽伯夷為堯典禮折民惟刑以封申呂裔生尚為文王

師克廣而封之齊或封許向或封於紀或封於申城在南陽宛北岸山之下故詩云登豐申伯王薦之事于邑于序南國為式宛西三十里有呂望許在潁川今許縣是也姜戎居伊洛之間晉惠公徙置陸渾州薄甘威露帖及齊之國氏高氏襄陽氏士氏強氏東郭氏雍門氏子雅氏子尾氏子襄氏子淵氏子乾氏公旗氏翰公氏質氏盧氏皆姜姓也

黃帝之子二十五人班為十二姬西邴已勝滅任拘釐姑衣氏也當春秋晉有邴奚子為魯以患直善子姓已氏夏之興有任奚為夏車正以封於薛後遷于邾其嗣仲虺居薛為湯左相王季之妃大任及謝章自來祝結泉卑迺狂大氏皆任姓也台氏女為后稷元妃繁育周先姑氏封於燕及鄭文公有賤妾燕姑夢神與之蘭曰余為伯儵余而祖也以是有國吾人服媚

潛夫論

及文公見姑媯而御之姑言其夢且曰妾不才幸而有子將不信收微蘭乎公曰諾遂生穆公姑氏之別有閼尹蔡光魯雍斷密須氏及漢河東有郅都汝南有郅君章姓音與古姑同而書其字與二人皆著名當世

少暉氏之世衰而九黎亂德顛項受之乃命南正重司天以屬神命火正黎司地以屬民使復舊常無相浸瀆是謂絕地天通夫黎顛項氏裔子契回也為高辛氏火正滄耀天明地德光四海也故名祝融後二苗復九黎之德堯繼重黎之後不忘舊者義伯復治之故重黎氏世序天地別其分主以歷三代而封於程其在周世為宣王大司馬訪美王謂尹氏命程伯休父其後失守適晉為司馬遷自謂其後祝融之孫分為八姓已禿彭姜姁曹斯辛已姓之嗣颺叔安其裔子曰董父實甚好龍能求其

嗜欲以飲食之龍多歸焉乃學擾龍以事帝舜賜姓曰董氏曰秦龍封諸腰川腰夷彭姓豈皆能馴龍者也秦龍遂以忠諫架殺之凡因祝融之子孫已姓之班昆吾籍眉溫董禿姓腰夷秦龍則夏滅之祖姓彭祖豈皆諸稽則商滅之姜姓會人則滅之姁姓之後封於郟會路偃陽郟取仲任為妻會曰愛恡殘賢簡能是用亡邦會在河伊之間其君驕貪黷儉滅爵損祿羣臣卑讓上下不臨詩人憂之故作羔裘閱其痛悼也匪風冀君先教也會仲不悟重氏伐之上下不能相使禁罰不行遂以見亡路子嬰兒娶晉成公姊為夫人鄆舒為政而虐之晉伯宗怒遂伐滅路荀偃武子伐滅偃陽偃姓封於邾隣顏子之支別為小邾皆楚滅之芊姓之裔熊誠成王封之於楚是謂粥熊又號粥子生四人伯霜仲雪叔熊季紉紉嗣為刑子或封於夔或封於

越變子不祀祝融粥熊楚後滅公族有楚季氏列宗氏鬬強氏
長氏氏言氏門氏侯氏季融氏仲熊氏子季氏陽氏無鈞氏爲
氏善氏陽氏昭氏曰氏嚴氏嬰齊氏來氏來繼氏卽氏申氏鈞
氏沈氏賀氏滅氏古白氏伍氏沈濊氏餘推氏公建氏子南氏
子庚氏子午氏西氏王孫田公氏舒堅氏魯陽氏黑眩氏皆芋
姓也

楚季者王子敖之曾孫也益冒主焉章者王子無鈞也令尹孫
叔敖者焉章之子也左司馬成者莊王之曾孫也葉公諸梁者
成之第三弟也楚大夫申允畏者又氏文氏初紂有蘇氏以妲
己女而亡殷周武王時有蘇忿生爲司寇而封温其後洛邑有
蘇秦高陽氏之世有才子八人蒼舒隳凱擣賊大臨龍降庭堅
仲容叔達天下之人謂之八凱後嗣有早陶事舜舜曰早陶後

夷滑夏寇賊姦宄女作士其子伯翳能議百姓以佐舜禹攬馴
鳥獸舜賜姓嬴後有仲衍烏體人元爲夏帝大戊御嗣及費仲
生惡來季勝武王伐紂并殺惡來季勝之後有造父以善御事
周穆王穆王游西海忘歸於是徐姬作亂造父御一日千里以
征之王封造父於趙城因以爲氏其後失守至於趙夙仕晉卿
大夫十一世而爲列侯五世而爲武靈王五世亡趙恭叔氏卽
鄆氏訾辱氏嬰齊氏樓季氏盧氏原氏皆趙嬴姓也惡來後有
非子以善畜周孝封之於秦世地理以爲西陲大夫沂秦高是
也其後列於諸侯五世而稱王六世而始皇生於邯鄲故曰趙
政及梁葛江黃徐莒蓼六英皆早陶之後也鍾離運掩菟裘尋
梁脩魚白賓飛廉密如東灌梁時白巴公公巴刻復蒲皆嬴
姓也帝堯之後爲陶唐氏後有劉累能畜龍孔甲賜姓爲御龍

以夏章之後至周爲唐杜氏周衰有隰叔子違周難于晉國
生子輿爲李以正於朝朝無問官故氏爲士氏爲司空以正於
國國無敗績故氏司空食采隨故氏隨氏士蔦之孫會佐文襄
於諸侯無惡於卿以輔成景軍無敗政爲成率居傳端刑法
集訓典國無姦民晉國之盜逃奔於秦於是晉侯爲請冕服于
王王命隨會爲卿是以受范卒謚武子武子文成晉荆之盟降
兄弟之國使無間隙是以受郇欒出此帝堯之後有陶唐氏劉
氏御龍氏唐杜氏隰氏士氏季氏司空氏趙氏范氏郇氏欒氏
嬴氏冀氏穀氏雷氏樛氏傅氏楚氏令尹建嘗問范武子
之德於文子文子對曰夫子之家事治言於晉國竭情無私其
祝史陳信不媿其家事無猜其祝史不祈建歸以告康王曰神
人無怨宜夫子之股肱五君以爲諸侯主也故劉氏自唐以下

漢以上德著於世莫若范會之最盛也斯亦有脩己以安人之
功矣武王克殷而封帝堯之後於社也

帝舜姓虞又爲姚君媯武王克殷而封媯滿於陳是爲胡公陳
哀氏晉氏咸氏慶氏夏氏宗氏來氏儀氏司徒氏司城氏皆媯
姓也厲公孺子完奔齊桓公說之以爲工正其子孫大得民心
遂奪君而自立是爲威王五世而亡齊人謂陳田矣漢高祖徙
諸田關中而有第一至第八氏丞相田千秋司直田仁及杜陽
田先碭田先皆陳後也武帝賜千秋乘小車入殿故世謂之車
丞相及莽自謂本田安之後以王家故更氏云莽之行詐寔以
田常之風敬仲之後又有皮氏古氏沮氏與氏獻氏子氏鞅氏梧
氏坊氏高氏芒氏禽氏
帝乙元子微子開紂之庶兄也武王封之於宋今之睢陽是也

宋孔氏祝其氏韓獻氏季老男氏臣履經氏事父氏皇甫氏華
氏魚氏而董氏艾歲氏鳩夷氏也野氏越椒氏完氏懷氏不弟
氏冀氏牛氏月城氏罔氏近氏止氏朝氏教氏右歸氏三伉氏
王夫氏宜氏微氏鄭氏曰夷氏鱗氏滅氏虺氏沙氏黑氏圍龜
氏既氏據氏磚氏已氏成氏邊氏戎氏買氏尾氏桓氏戴氏向
氏司馬氏皆子姓也閔公子弗父何生宋父宋父生世子世子
生正考父正考父生孔父嘉孔父嘉生子木金父木金父降爲
士故曰滅於宋金父生祁父祁父生防叔防叔爲華氏所偏出
奔魯爲防大夫故曰防叔防叔生伯夏伯夏生叔梁紇爲鄆大夫
故曰鄆叔紇生孔子周靈王之太子晉幼有成德聰明博達温
恭敦敏穀維水鬪將毀王宮欲壅之太子晉諫以爲不順天心
不若脩政晉平公使叔譽聘於周見太子與之言五稱而三窮

遂巡而退歸告平公曰太平晉行年十取而譽弗能與言君請
事之平公遣師曠見太子晉太子晉與言師曠服德深相結也
乃問曠曰吾聞太師能知人年之長短師曠對曰女色赤白女
聲清汗火色不壽晉曰然吾後三年將上賓于帝女慎無言殃
將及女其後三年而太子死孔子聞之曰惜夫殺吾君也世人
以其豫自去期故傳稱王子喬仙仙之後其嗣避周難於晉家
于平陽田氏王氏其後子孫世喜養性神仙之術魯之公族有
螭氏后氏眾氏臧氏施氏孟氏仲孫氏服氏公山氏南宮氏叔
孫氏叔仲氏子我氏子士氏季氏公鉏氏公巫氏公之氏子于
氏華氏子言氏子駒氏子雅氏子陽氏東門氏公折氏公石氏
叔氏子家氏榮氏展氏乙氏皆魯姬姓也衛之公族石氏世叔
氏孫氏甯氏子齊氏司徒氏公文氏折龜氏公叔氏公南氏公

卷九

潛夫論

六

上氏公孟氏將者亦常在權寵為貴臣及留侯張良韓公族姬
姓也秦始皇滅韓良弟死不葬良散家貲千萬為韓報讐擊始
皇於博浪沙中誤推副車秦索賊急良乃變姓為張匿於下邳
遇神仙黃石公遺之兵法及沛公之起也良往屬焉沛公使與
韓信略定韓地立橫陽君城為韓王而拜良為韓信都者司徒
也俗前音不正曰信都或曰司徒或勝屠然其本其一司徒耳
後作傳者不知信都何因強妄生意以為此乃代王為信都也
凡桓叔之後有韓氏言氏嬰氏禍餘氏公族氏張氏此皆韓後
姬姓也昔周宣王亦有韓侯其國也近燕故詩云普彼韓城燕
師所完其後韓西亦姓韓為衛滿所伐遷居海中畢公高與周
同姓封於畢因為氏周氏之夢也高繼職焉其後子孫失守為
庶世及畢萬佐晉獻公十六年使趙夙御戎畢萬為右以滅耿

滅魏封萬今之河北縣是也魏顆之氏令狐自萬後九世為魏
文侯文侯孫罾為魏惠王五世而亡畢陽之孫豫讓事智伯智
伯國士待之豫讓亦以見知之恩報智伯天下紀其義魏氏令
狐氏不雨氏業大夫氏伯夏氏魏強氏豫氏皆畢氏本姬姓也
周厲王之子友封於鄭鄭叔之後為公文氏軒氏軍氏子強
氏強梁氏卷氏會氏雅氏孔氏趙陽田章氏孤氏王孫氏史龜
氏危氏羌憲氏遂氏皆衛姬姓也晉之公族邾氏又班為呂邾
芮又從邾氏為冀後有呂錡號駒伯邾讐食采於苦號苦成叔
邾至食采於溫號曰溫季各以為氏邾氏之班有州氏邾氏伯
宗以直見殺其子州黎奔楚楚以邾宛直而和故為子常所妬
受誅其子詭奔吳為太宰懲祖彌之行仍正直遇禍也乃為詭
諛而亡吳凡邾氏之班有冀氏呂氏苦成氏溫氏伯氏靖侯之

孫樂賓及富氏游氏賈氏狐氏羊舌氏季夙氏籍氏及襄公之
孫孫履晉姬姓也晉穆侯生桓叔桓叔生韓萬傅晉大夫十
世而為韓武侯五世為韓惠王五世而亡國襄王之孽孫信俗
人謂之韓信都高祖以信為韓王孫以信為韓王後徙王代為
匈奴所攻自降之漢遣柴將軍擊之斬信於參合信妻子亡入
匈奴中至景帝信子頽當及孫赤來降漢封頽當為弓高侯赤
為襄城侯及韓嫣武帝時為侍中貴幸無比案道侯韓說前將
軍韓魯皆顯於漢子孫各隨時帝分陽陵茂陵杜陵及漢陽金
城諸韓皆其後也信子孫餘留匈奴中駟氏豐將氏國氏然氏
孔氏羽氏良氏大李氏十族之祖穆公之子也各以字為姓及
伯有氏馬師氏褚師氏皆鄭姬姓也
太伯君吳端垂衣裳以治周禮仲雍嗣立斷髮文身保以為飾

武王克殷分封其後於吳令大賜北吳季扎居延州來故氏延
陵季子闔閭之弟夫概王奔楚堂谿因以為氏此皆姬姓也
鄭大夫有馮簡子後韓有馮亭為上黨守嫁禍于趙以致長平
之變秦有將軍馮劫與李斯俱誅有馮唐與文帝論將帥後有
馮奉世上黨人也位至將軍女為元帝昭儀因家于京師其孫
衍字敬通篤學重義諸儒號之曰德行雍雍馮敬通著書數十
篇孝章皇帝愛重其文晉大夫郇息事獻公後世將中軍故氏
中行食采於智智果諫智伯而不見聽乃別族于太史為輔氏
晉大夫孫伯厲定司典籍故姓籍氏辛有二子董之故氏董氏
詩頌宣王始有張仲孝友至春秋時宋有張白茂實唯晉張侯
張老實為大家張孟談相趙襄子以滅智伯遂逃功賞耕於育
山後魏有張儀張丑至漢張姓滋多常山王張耳梁人丞相張

蒼陽武人也東陽侯張相如御史大夫張湯增定律令以妨姦
惡有利於民又好薦賢達士故受福祐子安世為車騎將軍封
富平侯敦仁儉約矜遜權而好陰德是以子孫昌熾世有賢胤
更封武始遭王莽亂享國不絕家凡四於世著忠孝行義前有
丞相張禹御史大夫張忠後有太尉張酺汝南人太傅張禹趙
國人司邑閭里無不有張者河東解邑有張城有西張城豈晉
張之祖所出邪優性舒庸鳩舒龍舒其止龍鄜深參會六院築
高國

慶姓樊尹駱

媯姓鄧優

歸姓胡有何

臧姓滑齊

掎姓棲疏

郇姓蕃番湯

萬姓饒殺

隗姓赤狄

媯姓白狄

此皆大吉之姓齊有鮑叔世為卿大夫晉有鮑癸漢有鮑宣累

世忠直漢各臣漢酈上為使者弟商為將軍今高陽諸酈為著
姓昔仲山甫亦姓樊謚穆仲封於南陽南陽者在京河內後有
樊伯子曼姓封於鄧後田氏焉南陽鄧縣上蔡北有古鄧城新
蔡北有古鄧城春秋時楚文王滅鄧至漢有鄧通鄧廣後漢新
野禹以佐命元功封高密侯孫太后天性慈仁嚴明約勅諸家
莫得權東師清淨若無貴戚勤思憂民晝夜不怠是以遭羗兵
叛大水饑饉而能復之整平豐穰太后崩後羣姦相參競加譖
潤破壞鄧反人今痛之魯昭公母家姓歸氏漢有隗囂季孟短
卽犬戎氏其先本出黃帝及徐氏蕭氏索氏長勾氏陶氏繁氏
騎氏饑氏樊氏茶氏皆殷氏舊姓也漢興相國蕭何封鄧侯本
沛人今長陵蕭其後也前將軍蕭望之東海杜陵蕭其後也御
史大夫有繁延壽南陵襄陽人也杜陵新豐繁其後也周氏邵

氏榮氏單氏單氏尹氏鎰氏富氏鞏氏葛氏此皆周室之世公卿家也周召者周公邵公之庶子食二公之采以爲王吏故世有周公邵公之不絕也尹者本官名也若宋有太師楚有令尹左尹矣尹吉甫相宣王者大功績詩云尹氏大師維周之底也單穆公襄公頡公靖公世有明德次聖之才故叔嚮美之以後必繁昌苦城城名也在鹽池東北後人書之或爲枯齊人聞其音則書之曰車燉燉見其字呼之曰車城其在漢陽者不喜枯苦之字則更書之曰古城氏堂谿谿谷名也在汝南西平禹字子啓者啓開之字也前人書堂谿誤作啓後人變之則又作開古漆彫開公治長前人書彫從易泊作周書治漢誤作露後人又傳作古或復分爲古氏成氏常氏開氏公氏治氏梁氏周氏此數氏者皆本同末異凡姓之離合變分固多此類可以一泥

難勝載也易曰君子以類族辨物多識前言往行以蓄其德學以聚之問以辯之故畧觀世記采經書依國士及有明文以贊賢聖之後班族類之祖言氏姓之出序此假意二篇以貽後賢也